

河北府縣志輯

中國地方志集成

民國望都縣志

民國完縣新志

民國滿城縣志略

中國地方志集成

河北府縣志輯 ④⑩

民國望都縣志

民國完縣新志

民國滿城縣志略

上海書店 ● 巴蜀書社 ● 江蘇古籍出版社

重修望都縣志序

（上海市歷史文獻圖書館藏）

邑之有志猶國之有史數十年所必須重修者也然所見邑志創修於明者十之七八創修於清者十之二三而續修年限又不一律近則四五十年遠則七八十年或且百餘年前乎此者之人物政治無從稽考即在此數十年及百餘年間者又未必盡能采訪無遺此有志者望古興嘆不敢不急急引爲己任必及時力促其成者也二十年辛未春前任陳君國鈞奉令修邑志開館年餘屢作屢輟癸酉冬不佞忝蒞斯邦甫下車教育局長陳君宗堯即以廣續前事提議不佞避之遂推定崔君蓉卿張君鳳梧何君定侯尹君竹岑主其事又以前所采訪恐未詳盡不厭再三搜求按切事實發凡起例凡八越月而功竣諸君踴躍將事不間寒暑已堪欽佩亦其知志書之關係一邑者甚

望都縣志

卷首序

大是以不敢稍事疏緩也猶憶辛未時不佞承乏南皮亦曾首倡修志聘單君聲三尹君竹岑爲正副館長輾轉一年事未就而匆匆去任繼其成者趙君華忱也曾幾何時不佞又繼成陳君國鈞未竟之業且助之成者又有竹岑焉斯皆人事之推遷而不可以前定者也吾於是乎有感是爲序中華民國二十三年歲次甲戌秋八月肥鄉王德乾謹識

重修望都縣志序

箸述之難莫難於史國史有子長孟堅爲後世不祧之祖郡邑之志其難視國史蓋有間矣然自唐宋以來作者日繁其可稱者獨寡康氏之志武功陸氏之志獲鹿世號爲傑出而簡略已甚使後之徵文獻考故實者多有遺憾近世章學誠氏著文史通義自謂達於史比觀其所爲永清志悉牽合正史之例而僭擬其體裁紀文達公有言修地志者以史爲根柢而不能全用史而又不能離乎史今比方志於國史而一一步趨之安見其能得一當也夫世所稱碩士名賢達於史者於一方志之作不免後人之指摘也猶如是况當道喪文敝之時求之於窮鄉僻邑之中而責其成於某月旦夕之頃於是求其當焉不尤難歟望都之有志創始於明成化之十三年至萬歷十八年縣令張

望都縣志

卷首序

君又重修焉入清以來康熙乾隆至光緒三十年蓋五修矣今國家督飭各省縣修志限以時日而望都之志闕焉未續者又二十餘年其邑之良有司與其鄉之賢士大夫汲汲焉懼文獻之無徵無以副政府督促之意於是就舊志之所存者而存之舊志之所缺者而補之舉舊志之所未當焉者而正之更之不及一載成書十二卷爲綱六爲目五十有八介吾友李筱帆君巧余爲序并諸篇首余嘗觀舊志病其繁蕪而列驛務橋樑古蹟風俗諸端繫於賦役志之下尤爲淆混今則於舊志多所訂正而補益之此則秉筆諸君子之勤慎將事與其賢而有文也俱於是見之矣嗚呼望都地瘠民貧戶口僅萬餘家其賦之重幾埒江南富庶之區而役之重視大縣尤數倍焉今觀其民皆堅於作苦蓄於衣食急於奉公勇於任卹雖富有之家皆以衣

帛食肉爲奢凶年饑歲取樹葉草根充食而從無犯上作亂輕去其鄉者其人之孝友義行貞女烈婦不可勝書而黃髮給背之老往來田野問其年又多在百齡以上居亂離之世截然特立不漸於淫靡詛詐之俗抑何其風之厚歟古所謂堯舜之民非斯邦之人其何足當焉吾嘗怪有清二百餘年望都一邑登進士者不過五人豈其民質而少文歟抑生業艱難迫之使不暇歟今則人材駢聯而出舊跡學校多立功名於時山川之氣至是始少洩焉跡其堅苦卓絕樸厚質直之風推而大之出可救敗匡時易亂離之俗使生人皆爲堯舜之人是尤良有司與豪傑特起之士倡導鼓舞發揚而光大之之力也故余於斯志之成樂爲之序以彰其遺風遺俗至其網羅之富於其舊體例之變於其前其凡例叙之已詳識者自能辨之余何能復益一

望都縣志

卷首序

三

辭耶甲戌孟冬新城王樹枏謹序

凡例

一志書之作所以志實爲一邑文獻之徵綱目以明統系體例貴適時代正不必膠柱鼓瑟也本邑舊志續修於清光緒甲辰迄今僅二十餘年而時異世殊義例不無更易茲編爲綱六日輿地日建置日政治日人物日風土日雜志爲目五十有八各從其類

一志之有圖本左圖右史之義舊志各圖均彙集卷首今則以疆輿圖弁於卷首其餘各圖均散附於各類之次並擇要撮影庶便觀覽且以存真

一分野之說在古爲有徵在今爲無用今改用畧度一門而以分野附於其後以爲講求天文學者之考鏡焉

一陵墓邱墟皆古蹟也舊志入賦役似非其類茲改入輿地概

望都縣志

卷首凡例

四

以古蹟稱之其中仍分次序以便閱覽其八景之說則屬陋習今刪去

一物產水利爲利用厚生之本舊志列入賦役似覺不倫今概列入輿地之次以從其類而志所趨

一金石一門舊志僅錄其文殊嫌簡畧今則均詳其所在之地暨創建年月人名並附錄其文以爲考證之助

一舊志村堡分爲四路各村寺廟附於村堡之下今則畫區編鄉各村分隸於區而各村寺廟多已改作校舍或廢圯無存概刪不錄其祠廟之於歷史人事有關係者另詳壇廟目內以資存古

一清季廢驛置郵電政路務日趨便利茲以交通括之而橋梁附焉

一民國肇造法制變更是編凡舊志所載前代典制而今廢止者如官俸學制等仍於本目分類敘錄所以存古凡舊志所無而爲今所注重或有所改革者如教育實業等皆分目詳叙所以徵實

一望都田賦之重甲於全省清沿明季弊制概未議減光緒季年得李令兆珍之請始減其半清初圈佔民田歸旗納租實爲裨政之尤今則清理留置改租升科此皆田賦重大改革故敘錄綦詳

一度量衡器向來隨地各異民國二十年後改用新器全國統一此亦法制之演進改革故特增入政治之後

一名宦鄉賢或以循良遺愛或以爵德著聞皆足動後人觀感向善之思至於忠孝義烈又皆天地正氣所鍾故雖庸夫愚

婦有一事可傳一善可採足以爲國人所矜式者均行採入以示激勵

一科舉停後人才出於學校特闢學歷一目凡畢業於中學以上者就採訪所及均行列入

一技藝皆係專長武術尤關體育舊志闕畧今就採訪所及分別補入以示提倡

一人物一門例以已故者爲限以蓋棺方論定也是編選舉學歷仕宦藝術皆志事實無可變更節婦以年例合否爲準似於論定無關故生故并列非亂例也


一衣食住行皆係民生歌謠方言都關風化舊志闕如今悉補入以備參考

一舊志詩詞列傳碑記統入藝文直似鈔選今傳記分錄於列

傳金石之次而詩詞之於地方古蹟名勝有關係者則援保定府志例擇尤分附於本目之下以便閱覽


一本縣志書明代成化萬歷清代康熙乾隆光緒凡五次續修此次修志凡照錄舊志須註明時代者均以最後光緒志別之其係新採訪者以採訪冊別之以明有據

一本縣自民國二十年奉令修志因連年軍事影響迄未成帙此次按照舊稿重行編訂復加以採訪叅互考訂共成十二卷亦惟姑存實錄而已至於潤色糾正仍俟夫後之君子



編修人員合影

中爲縣長王德乾左爲崔連尹峯右爲張書元何鑑止



前排自左而右：張桂芬、劉廷珍、楊清翰、尹銘、崔連、王德乾、張書元、何鑑止、葛化、孫景魁、孫景魁、後排自左而右：楊學官、薛耀德、陳記海、朱鼎文、李嘉賓、曹亞夫、劉廷蘭、劉文修

修志人員銜名 中華民國二十三年十一月

鑒定

賜同進士出身清史館總纂新城王樹枏

督修

望都縣縣長肥鄉王德乾

編輯

縣立第二高級小學校校長舉人邑人崔蓮峯

前縣議會議長廩生邑人張書元

前縣議會議員邑人何鑑止

望都縣政府科長庠生南皮尹銘績

分校

望都縣政府秘書邯鄲楊清翰

望都縣志 卷首 修志姓氏 七

教育局局長長邑人陳記海

建設局局長長贊皇李嘉賓

財政局局長長邑人曹亞夫

代理公安局局長長邑人王沛然

公安局局長長肅寧曹慧佛

縣黨部執行委員邑人朱鼎文

縣立第一高級小學校長教育會幹事邑人劉廷蘭

縣立第二高級小學校長邑人葛化覃

縣立第三高級小學校長農會幹事邑人楊學文

縣立第四高級小學校長邑人曹繩武

縣商會主席邑人劉廷珍

採訪



望都縣志 卷首 修志姓氏 八

第一區長邑人薛耀德

第二區長邑人郭廷楨

第三區長邑人楊學官

前第二區長邑人劉文修

前第五區長邑人張桂芳

高等農業專門學校畢業庠生邑人孫壽昌

高等農業專門學校畢業前勸學所所長邑人李廷獻

北洋法政學校畢業邑人李長貞

高等工業學校畢業邑人黃金鑰

庠生邑人李清廉

庠生邑人張福辛

庠生邑人楊光運

庠生邑人王琦

庠生邑人王桂芬

庠生邑人賈樹芬

庠生邑人于寶琳

庠生邑人蘇春田

前第三高級小學校長邑人曹文煥

前縣參事會參事邑人張得順

前縣巡警總董邑人王福海

前縣議會議副議長邑人王寶善

法政學校畢業邑人李紹德

法政學校畢業邑人劉成己

法政學校畢業邑人劉生桂

邑 邑 邑 邑 邑 邑 邑 邑 邑 邑
 繪圖
 陸軍測量學校畢業 業邑人孫景魁
 人曹明哲
 人韓冠一
 人劉錫三
 人馬雲亭
 人何鑑一
 人韓品一
 人張祿誠
 人安汝止

望都縣志

卷首 修志姓氏

九

望都縣志目錄

卷首

序二

凡例

編修人員合影

修志人員全體合影

修志人員銜名

縣境全圖

輿地志一

卷一

暑度附星野

河水利附圖

氣候

沿革

疆域

古蹟攝影

山

名勝攝影

望都縣志

卷首 目錄

十

物產攝影

輿地志二

卷二

金石攝影

建置志

卷三

城池圖一攝影

集會

政治志一

卷四

官吏經費 黨務

自治

財政

署廨圖一攝影

交通圖一

區鄉

壇廟圖三

戶口

政治志二

卷五

教育附學田

警衛

實業

倉儲

鹽政

錢幣

郵政

度量衡

人物志一

卷六

古聖

封爵

封贈

職官

名宦

人物志二

卷七

選舉

科名

學歷

仕進

武職

仕績

人物志三

望都縣志

卷首目錄

十一

卷八

儒林

孝友

義善

忠烈

鄉耆

藝術

僑寓

方外

人物志四

卷九

列女

風土志

卷十

民生狀況

禮俗

歌謠

方言

宗教

雜志

卷十一

大事記

故事

軼聞

卷十二


敘錄

望都縣志

卷首目錄

十二

望都縣



尺之一分爲十

望都縣志卷一

輿地卷一

暑度 名勝

氣候 物產

疆域

山河

沿革

古蹟

暑度附分野

望都縣暑度北極出地三十八度四十三分冬至暑影一丈八尺九寸四分弱夏至暑影二尺七寸三分弱冬至晝夜長短晝短三十七刻二分強夜長五十八刻十三分弱夏至晝夜長短晝長五十八刻十三分弱夜短三十七度二分強偏度偏西一度十三分三十秒節氣早四分五十四秒

附分野

其星昂畢其次大梁 周禮保章氏以星土辨九州之地所封域皆有分星禹貢冀州之域尾箕昂畢分野後漢志自尾十度至南斗十一度爲析木於辰在寅爲攝提格律爲應

望都縣志

卷一 輿地志一 暑度

十三

鐘斗建在亥燕之分野屬幽州自胃七度至畢十一度爲大梁於辰在酉爲作噩律爲姑洗斗建在辰趙之分野屬冀州按一統志保定北屬燕南屬趙邑北距易水二百二十里南距中山六十里其分野入昂一度當在昂畢之分大梁之次也

孫炎云昂畢之間日月五星出入要道若濛濛然

氣候

本縣地皆平原土濕泉淺西北兩方界於曲陽唐完多山氣候溫 and 夏無酷暑冬無嚴寒按華氏表寒溫度數一二三月陽升由二十四度至三十五度四五兩月升由五十度至六十八度六七八月升由九十五至一百零度九十一十二月降由七十度至二十六度

常年雨量一二三月陽雨量極少四五兩月漸多六七八月恒降大雨九十兩月又漸減少十一十二兩月雨量等於一二三月

民國二十一年七月奉建設廳令設雨量站於城南雙廟鎮專事紀錄常年雨量狀況據其紀錄表報情形大致相同常年風向按四季節候適宜以西北風爲多一年之中暴風甚少

望都縣志

卷一 輿地志一 氣候

十四

疆域

邑隸天津河北省政府東北西南斜距四百里東北距保定九
十里全境東西相距三十里南北相距四十里北抵完縣三十
里至完縣界十五里東北抵滿城縣八十里至滿城縣界十五
里東至清苑縣界二十里東南抵安國縣九十里至安國縣界
五十里南至定縣界十五里西南抵定縣六十里至定縣界三
十里西南抵曲陽一百里西抵唐縣三十里至唐縣界二十里
按畿輔通志望都舊日疆域東西廣七十五里現在全境面積
約一千零二十五方里

望都縣志

卷一 輿地志一 疆域

十五

山

伊祁山 一統志云堯母所居之地

神孫山 魏書地形志云北平郡望都縣有伊祁山有幾神孫山

堯山 漢書張晏曰堯爲唐侯國於此堯山在唐東北望都界

望都山 一名豆山一名孤山四面平坦不與他山相接也漢書張晏云堯山在北都山在南堯母登堯山可望都山故名遺志孤都聲相近

邑今陳洪書登望都山詩云自是神工結撰奇登臨不覺路崎嶇飛來峯並千岩秀砥柱山同一石文聖蹟已隨天壤書邑名更與地奧垂三阿遙映孤樹邊攬勝低徊共賦詩

王錫侯登望都山詩云地闊天開不計春依然石骨秀嶠崎精華豈比藏金玉曾孕伊耆一聖人

又詩云北嶽羣峯向帶畿中抽一幹駐南離芙蓉疊疊環青嶂萬古文明驛在茲

栗山 地道記三望都縣有委粟關水經注云中山城內有小山銳上若委粟焉疑卽此與今唐縣北有栗山距邑四十里

濁鹿山 方輿勝覽云望都縣有濁鹿山


望都縣志

卷一 輿地志一 山

十六

有水無山諸書載云有山如左者蓋古之慶都其地廣衍諸山或皆在境內何時析入鄰邑無從稽考

望都縣全境泉水河溝洫圖






圖 園 灌 井 汲

攝 秋 年 三 十 二 國 民




圖 流 湧 泉 鑿

泉 清 之 西 村 灣 家 曲 於 攝 秋 年 三 十 二 國 民

九龍泉

一 **瀨龍泉** 即瀨龍河發源在龍家莊西距邑東南三里扶而魚泉水東北匯於龍泉河

卷一 輿地志一 河

十七

明錢天錫潛伏泉時云華渚赫厥靈雲水感神異聖都沙井墟恐非號聖地自從兵燹餘漸
合上臺特頂泉中和字乾元仍用之四則自淵則自尹快興搜古蹟得流坑墩在
昔覃復牧修臺置泉主澄鮮一饌通沽萬家利濟清風不易窮五嶽靈屬在

邑人賈清泰號龍泉攻古粵自吳都縣城東南龍泉庄之北平街村之東有龍泉一邑俗尚公士此即龍泉所經流之區也故里人有云在齊莊村中有有龍在云在威里鋪村北者其說不一迄今詳考威里鋪村有龍王廟一座其右有堅坑不時水常湧出鱗甲紛然水盈溢流注順大道而北經龍泉橋之墟直抵鰲魚泉是以此鄉龍泉發源之湧無疑矣

龍泉橋志云乘合衆見以互容爲泉以實疑此後之尋源者某作說疑云茲

龍泉河源出邑北三里龍泉南流入隍內自東門外閘下舊有分水閘分兩派一東北行歸大道溝入清苑界可通府河年久失濬今經官產處清理變價改歸民田一向東南流繞十八村入清苑縣名界河創濬無考明萬歷中邑令張前光劉天與原秉謙崇禎中黃承宗趙世英段緯清順治中陳自德康熙中錢振龍相繼增濬之錢振龍始植蓮

按望邑多泉著名者九北龍堂泉爲北大派南龍堂涌魚泉

卷一 輿地志一 河

十八

按九水泉源環城四面泉水噴湧多會於隍故名曰九龍泉
由隍而東南至於鐵道橋下爲九龍泉交匯處名曰九龍口
東流爲龍泉幹河蜿蜒曲折經行東鄉一十八村莊河之兩
岸尾河歧出九支分流一日南巡河在雲洪寺石岡上南岸南出經葛家村南東行穿張郭二村經天齊廟橋
一日北巡河在雲洪寺石岡上北岸北出經李家村北東行經鄰家村北下流入北水河清心寺南出
南下流經水磨村入南河溝
一日北河溝在天齊廟西側折而東逕侯院界東北入龍泉河
一日南河溝在水磨村西北河溝南出經王家營村北穿野場村繞村經王家營村北穿野場村繞

侯陀村南向東
北入龍泉河
一日李家溝 在殷家營石橋下舊名石堰東出穿北高嶺村中流入北入龍泉河
一日王家溝 在殷家營石橋南順流而東直達石閘上口南
在殷家營石閘上口東出繞南高嶺村南東流入侯陀界又村西向野場村穿村南流入南河溝北口東入繞南高嶺村南東流入侯陀界又村西向野場村穿村南流入南河溝
家溝 在殷家營石閘下南
上日高家溝 通南高嶺南街口
而下南 而東流入侯陀界
下日黃家溝
在殷家營石閘下南岸向東下通南高嶺北街折
均經兩高嶺石閘南越侯陀出境流入清苑陽城界所謂九頭十八尾者此也在昔由荆城濱河一帶十八尾溝渠引水灌田率多種稻自清道光年間霖雨六十日河水暴漲溝渠淤平地勢漸高稻田遂作陸田矣

黃泉黑泉在邑北里許龍泉河膚內二泉相去丈餘又名勝志
黃黑泉與龍泉水合入城濠隆冬不凍人謂其中有溫泉云
民國二十三年五月撥派民夫在該處挑濬發現黑泉黃泉

各一黑者在西北黃者在東南相去約一丈餘又自七月至八月招工在清泉即曲家灣南源頭鑿泉二眼曲家泉鑿泉二眼西城隄內鑿泉一眼沈家莊北小橋下鑿泉一眼沈家泉鑿泉三眼沈家莊東引河內鑿泉一眼西堤北泉鑿泉四眼黑黃泉鑿泉五眼下木管均五丈餘

澆水即唐河一統志云源出代都倒馬關經慶都縣南境東流合於沙河下游爲大清河入於海河距城東南三十里自定縣全邱入境經恩賜莊柳宿村之中間東北行經南韓家莊北東入清苑界夏秋之交水勢洶猛收拾禾稼往往車不能通農人相率肩負而運兩岸土多白沙地甚磽瘠入夏河水泛濫偶將上流泥淤而停蓄之瘠地變爲沃田人皆稱爲神賜冬令兩岸藉草爲橋客旅稱便

望都縣志 卷一 輿地志一 河水利 十九

玉帶河以環城得名又城東南隅支流繞徹侯墓前其形似帶亦名玉帶河

曲逆河自唐河分支入西閭家莊南分爲兩支經行村中復合爲一東行出境其下流經方順橋而入府河今塞

永豐河舊志云在鎮東本縣永豐鎮半里許延袤十里餘由王家營達於龍泉河今淤

柳宿河舊志云去村二里許東北達於清苑縣界今淤

附水利

一堤埝

慶都界隄築於邑南三十里高一丈闊二丈長六丈所以防澆水泛漲沒城垣也明萬歷時定州清風店居民決隄縱水邑城幾陷邑令許宗曾申報上臺治以盜決之罪復築如初建屋於

上使民居之所以防盜決也清順治四年居民復行盜決慶民貧不能築順治十年澆水溢至城下陷火神廟稻田淹沒無算慶都地勢窪下南北大路有牆垣一道以防水南至清風店北至十五里俱有牆垣每年秋冬修築春則傾圮旋築旋傾其時邑令每擬以濠代牆限以深闊濠深堤高可以護行旅防盜賊並可以洩水以民力維艱未果

萬歷十五年邑令張前光見柳宿村北及永豐鎮二處極窪下秋水泛漲壞民田禾漂民廬舍民甚苦之乃開柳宿永豐二河以洩水是時水不爲災民感悅之

又後營村水堰距邑東十二里堰築始于明永樂中因遷來率皆南人不能服粟故開渠植稻爰截河置堰以均溉之崇禎中邑令段緯以石易土穴其孔于中塞之堰下水則撤其塞堰

望都縣志 卷一 輿地志一 河水利 二十

上用水則塞其孔蓄水甚富後鄉民無識值亢旱水涸遂歸咎於堰決至底其水一洩無餘蓄上下皆匱後雖村西設堰終不若舊堰水富而能徧及也自堰決後衆皆悔之亟欲重建而苦于力之難齊清康熙中邑令李天璣同紳衿相視舊址乃集五村鄉紳里老及有水田人等詢問咸請願湊貲再修石堰以均水公隨差役催督修理民貲不給解囊資助三日告成又恐用水不均再蹈前轍令衆各具情辭從中勒立定制自撰文記事鐫石文見金石

二水田

王家營野場南北高嶺侯陀五村共行水地十二頃五十八畝七分六釐二毫
堰上行水地共七頃六畝一分六釐七毫

第一王家溝共地三頃五十四畝七分七釐九毫

王家營二頃九十八畝四分八釐

野場地五十六畝三分七釐一毫

第二張家溝口闊一尺二寸深三尺四寸中
暨迎水樁木一根徑二寸無開共地三頃五十一畝三分

八釐八毫

王家營地三十六畝

野場地二十九畝

南高嶺地二頃八十六畝三分八釐八毫

堰下行水地共六頃五十二畝五分六釐五毫

南高嶺地一頃十九畝二分五釐九毫

北高嶺地一頃五十五畝一分三釐

侯陀地二頃七十八畝一分七釐六毫

望都縣志

卷一 輿地志一 河水利 二十二

五村公買王家營東北南北下地一段六畝東至鄒思恭三至溝永爲殷家營鄉保看守放水之資如遇年終更換其地許應役之人承種其錢糧即着落承種之人

幾輔通志云慶都縣高嶺村侯陀等處管田引陞池堅功涌魚等泉之水仍洩於本泉河溝渠開座隨宜疏引雖細流涓涓而

良苗懷新亦各得潤物之功焉按文獻通考順治四年詔設水利書田局望都等縣屬京西局又雍正五

年縣治正東南高嶺侯陀村管治稻田共一十二頃五十畝五分雍正九年改旱田一十頃四十三畝五分

乾隆三年戊午大水壞民居田疇無算縣令沈公景張濂龍泉河四十里爲石閘三座望都處定唐下游疏唐之水入於望者

六入於完者一入於滿者二疏定之水入於望者三入於祁者二疏定唐之水入於清苑者五溝洫井井水來而不留水往而

不拒及去民立碑廟祀之

望邑人士言沈公開溝洫時民多怨之公曰今日雖怨後必受其益今三十年來望邑無大水患者士民皆曰沈公力也然則凡治民之事難於圖始易於樂成類如此觀東里氏執殺誰嗣之歎古今安在不一轍哉苟有爲地方大利

乾隆三十六年邑令陳洪書記曰水者利害之府也不知治之或壅塞而爲害能治得其道則水患者士民皆曰沈公力也然則凡治民之事難於圖始易於樂成類如此觀東里氏執殺誰嗣之歎古今安在不一轍哉苟有爲地方大利
獨鍾於孤山而穴竅潛通石髓噴湧不可勝數其最著者有九惟北龍潭爲第一雖現在淤滯尚消流不息可以較受野航若濬而通之又兼入水輪助豈濬之比較環流而繞郭藉以爲池則曰玉帶出地則曰龍泉河行而東不數百里而入天津即史之所謂通惠河是兩岸榆柳交蔭春漲數舒烟火繚絡桑榆被野稷黍參差風景蔚秀悠然太平景象余嘗車騎漚漚維艤而民力多息歲月悠隨自是補功遂廢矣若更加疏濬開其水而灌之其高者用南方桔槔之具以爲濟將地皆膏腴也畝收數鍾亦何必督亢之爲異哉又縣惟望都之資瘠由於輻員狹隘亦由商賈之不通嘗考通鑑紀要成化時濬通惠河成云源始自慶都治浩落源而發源皆本於龍泉大廟相隔張登不過四十里若於此水所經開闢數尺深挑二三尺併將四十里內經由橋梁填而充之天津之舟竟可達縣城不然亦可至大廟開航貨權源源而來完唐暨恒山而南皆可以省陸運之勞又豈獨望都一邑受其利而已哉蓋北

望都縣志

卷一 輿地志一 河水利 二十二

方之地所難者維泉而龍潭諸泉湧於平原不擇地而流余曾修三門石橋開水而營墩源泉混混一夕即盈以知望邑固若地之肺而泉之匯也冠於北平諸邑上矣前令蒙大憲題請捐帑數萬金夫舊制而重修石閘三座以爲蓄洩閘閘普沾其利余亦時督募治今細濬樂家村大廟兩處重立石閘可以通商即可以惠農化枯壤而爲沃土者更可得百數十頃現在竭力勸導志在必成若夫趨事赴功勉以無負余欲濬河之志而大收斯泉之利則又在望邑之士與民也余前蒙陞任安撫要公貴撫李公督學院部倪公今臬臺王憲本府宋憲以余生長南方必諳水利爲囑囑某材重任幸邀一命亦當矢志愛育撫茲勝泉心美久之但下車之始適值差務倥傯竭蹶弗遑加以旱潦頻仍茅瘠維艱不無輕率妄用民力是固厚望焉翹待焉而區區之心未嘗一日忘者也再查望邑之處設堤堽井不留餘力固不事上人之督責而茲乃棄泉而不用南方水車之設多端惟簡車十兩二十兩不等若踏車用三人兩人者費用不過三四兩一日可灌注二十畝至若手車用費不過一兩內外一人用之一日可灌六七畝兩人用之一日可灌十餘畝矣今北方多雨柳斗岸之一日僅可灌二畝若耕至二十畝者彼灌此圻人工竟不得息往往以水田而棄爲旱田職此故也然則欲興水利者桔槔之具斷不可少余嘗欲徵諸南方匠人勸士民依法創置又聞天津現亦有水車之制後之君子若以水利營田爲心其于此加之意乎要豈獨望都爲然哉乾隆志

三溝洫